

Art. 39 - Contributus a is assòtzius

1. Su Comunu podit donai a is assòtzius, non profit bogaus is partitus polìticus, contributus econòmicus de portai po fai s'atividadì assotziativa.
2. Su Comunu podit puru pònneri a dispositzioni de is assòtzius, comentì si narat in su coma de prima, comentì a contributu in natura, struturas, bènis o servìtzius debadas, bogada una contributziòni a càrrigu de issas etotu po is spesas chi bessint de su manixu de is struturas (Enel, Esaf, Allichididuras, etc.).
3. Is maneras de donai is contributus o de gosai de is struturas, bènis o servìtzius de s'enti est stabilida in unu regulamentu apostu, a manera de garantèssiri a totus is assòtzius paris oportunidadis.
4. Su Comunu podit manixai servìtzius in collaboratzioni cun is assòtzius de voluntariu arriconnotas a livellu natzionali e postas in s'albu regionali apostu, su donai is contributus e is maneras de sa collaboratzioni ant a èssiri stabilidas in unu regulamentu apostu.
5. Is assòtzius ca ant arriciu contributus in dinai o natura de s'enti depint fai a s'acabu de dònna annu unu rendicontu a posta ca amostit su ddus ai portaus.

Art. 40 – Voluntariu

1. Su Comunu promovit formas de voluntariu po unu coinvorgimentu de sa genti in atividadis po migliorai sa calidadi de sa vida personali, civili e sociali, pruscatotu fàscias ca funt sempri a arriscu de emarginatzioni, puru po sa tutela de s'ambienti.
2. Su voluntariu at a pòdiri nai su chi ndi pentzat apitzus de is bilàncius e programas de s'enti, e collaborai a progetus, strategias, stùdius e sperimentatzionis.
3. Su Comunu garantessit ca is prestatzionis de atividadis voluntàrias e debadas fatas po s'intaressu de totus e ritènnias de importu generali tèngiant is mèdius chi abisòngiant po sa mellus arrennèscida insoru e siant tuteladas po sa chistioni infortunìstica.

Capu II - Maneras de partecipazioni

Art. 41 – Consultatzionis

1. S'aministratzioni comunali podit fai consultatzionis de sa genti po tènniri pareris e propostas po su chi pertocat a s'atividadì aministrativa.
2. Is formas de custas consultatzionis funt stabilidas in unu regulamentu apostu.

Art. 42 – Petitzionis

1. Chinisiat, puru chi non est residenti in su territòriu comunali, podit preguntai puru in forma colletiva a is òrganus de s'aministratzioni comunali po ndi sollecitai s'interventu asuba chistionis de intaressu comunu o po nai abisòngius de natura collettiva.
2. S'arragota de adesionis podit èssiri chentza formalidadi in carci a su scrittu ca tenit is preguntas ca funt fatas a s'aministratzioni.

3. Sa petizioni est fata a su Sìndigu ca intra 30 dis, dda donat in esàmini a s'òrganu cumpetenti e ndi mandat còpia a is grupus chi funt in Consillu Comunali.

4. Chi sa petizioni est sutascrita de assumancu 100 personas s'òrganu cumpetenti depit torrai sceda po sa chistioni intra 30 dis de candu dd'at arricida.

5. Su chi at decìdiu s'òrganu cumpetenti, impari a su scritu de sa petizioni, est publicizau po mèdiu de èssiri apicau in is logus apostu e, a dònna manera, a manera chi ddu scipiant totus is firmatàrius ca bivint in su territòriu de su Comune.

6. Chi sa petizioni est sutascrita de assumancu 200 personas dònna consillieri podit pregontai cun una istàntzia apostu ca su scritu de sa petizioni siat postu in chistioni in sa setziada chi sighit de su Consillu.